

道德臘七月初七日 民歲臘十月初一日
王侯臘十二月遇臘日

節會日

天節甲午 地節甲申 人節甲子
天會丙子 地會壬午 人會壬子

日會庚午 月會庚申 星辰會辛酉

五行會甲辰 四時會甲戌

又吉日

春甲子己巳 夏丁丑丙辰 秋辛亥庚子
冬癸未壬寅 庚申日 甲子日 本命日

已上吉日皆可用

空亡時

甲巳日申酉 乙庚日午未 丙辛日辰巳
丁壬日寅卯 戊癸日子丑

應章詞表奏皆可忌之

天門關

陽日陰時 陰日陽時

釋罡訣

九靈飛步即河圖大豁落罡也元網流演乃
靈寶玉要輪轉周迴旋斗歷箕回度五常最

為難步必須記憶習熟之久方敢步之然自
近師流傳只步九靈罡中步一座七星斗却
就斗罡中立拜章壇只是面西北向天門
尤為簡便學者信之

釋章信

經曰外齋金寶內質一心科曰質信效心以
財寶為首財既可捨心亦隨之非信不通非
心不敬米財信幣正一格也名香淨燭桂真
誠也青絲代髮者也丹砂代血者也筆墨書
刀備章用也金環魚鴈彰其信也是皆外齋
金寶之事也弟子請章二伏九禮叩頭搏頰
其質心之義乎質心故其意專齋信故其誠
備至若以受跪之物散施寒棲給賻常住一
分贍已一分焚修或事效登還或量質代出
則在學士依科而詳審之

道法會元卷之一百八十七

道法會元卷之一百八十八 洛一

太乙火府五雷大法

法源事蹟

太乙火府雷者乃

玉清內院之秘法北斗真炁之化身太乙月
字之主法也祈禱驅邪斬妖伏精極有靈驗
自唐天寶元年七月丙申水旱蟲蝗毒炁流
行妖邪變現然燭弄燈偷財盜物攝人淫泆
邀求祭祀是時綿州太守馮祐持誠啓奏夜
夢北陰聖母語祐曰世有不忠不孝不義不
仁造諸罪惡好樂邪神以致魔精尅害邪鬼
繫纏吾今付汝道法普濟人民凡有水旱妖
孽立壇呼召其神即應太守驚覺次日於香
案上得秘文一軸視之乃太乙雷也馮祐得
之乃依法立壇呼召雷聲大震是時太乙元
君現形於壇中應感太守辭祿棄家行符呪
水有功蒙

上帝賜為紫府真人後隱於青城山丈人觀
有道士江元亨以師事之三年遂授玄文厥
後呂政卿李巨川張仲之等師資授受區分

人鬼偽贊乾坤不可具紀五季之亂至人多
隱遂無聞焉此皆本經所載聖宋隆興自延
恩殿九真降御道法尊而正教行希夷陳搏
先生居於華山得其法於石室中此書傳於
西蜀至祖師通玄劉真人昔嘗在丈人觀收
九天魔女鎖之於八角井繇是大教愈彰得
其雷祖宗派者孫太初趙師古杜昌宗呂具
人近有劉產正王法進監軍趙必徑其徒甚
衆獨許志高真人得法大顯元係閬州人任
四川機宜拜通玄劉真人為師得法兼官伏
事本師白日昇天之後出蜀自南遊至京師
內院有妖作孽諸法師不能治之真人以一
符箓妖精長大餘蒙
上帝賜號伏魔以此號為伏魔許真人鶴馭
至福建延平赴馬坑龜山楊教授純陽會見
楊教授衰弱與之丹藥一服返老還童楊教
授妻生一子依然衰老許真人再到見其子
出拜真人云是我子了後來取之自後楊教
授歸寂真人到延平取其子即披雲揚真人
也同往西蜀逸進到金陵良常山中迨至寶

慶元年庚子六月初六日在建康府茅山玉
宸觀天市壇建醮伏魔真人就火談中上昇
但留下朱履在火之如新今茅山歲為至寶
以此

上帝勅賜知天樞院事遂號為伏魔樞相許
真人未昇仙時分付將道法及雷篆家書秘
印雷震都司印都天大雷火印統天印天寶
家書印盡數傳與披雲揚真人今後祈禱驅
治奏告斗真先以家書往來必致感通更有
宣哥伏事我多年亦可傳之披雲揚真人見
祖師許真人上昇後復回延平以其母在故
也有建寧府浦城縣黃止堂出守延平載車
見披雲真人驅役雷電開現星斗祈禱雨暘
捲舒雲霓皆在指呼有黎君亦川人而力薦
之以此先君止堂令雲莊拜披雲為師當時
披雲真人曰伏魔真人在日令傳與宣哥以
家書往來請披雲真人至南浦雲莊因感夢
與真人夢相同以此披雲真人先將元得伏
魔真人道法秘印悉付雲莊為家書代代相
傳雲莊云僕以夙緣得紹真教將交度之日

壇壇祭儀整備及請行持則披雲真人兀坐
而不動莫測其意頃刻鮮血自右鼻流出師
遂起以水盂貯之和丹與酒以誓將打印師
曰人皆以牲軟血吾今取諸身以表血脉相
傳之義汝其謹之又曰太乙之神威烈非汝
子弟所行今不欲顯其名只作正一斬勘傳
焉自先君止堂仕于朝漕于廣先師披雲往
返必相過如衛之士大夫吾邑人亦慕法皆
起敬之但主帥之名俱未得聞如十二雷神
之姓間有知者而不得其用所以行持者皆
無靈驗雲莊奉此法三十餘年江湖之士慕
名求者亦然以伏魔家書付之崇奉苟能勤
恪虔懇一違家書亦可治病驅邪祈晴禱雨
無不應者而太乙火府之文例不敢泄非惟
此法不可得遇而江南之人聞者亦罕矣嘗
受師言向遇西人則可授之昨授成都碧源
李拱祥得之西矣念雲莊榆景向暮志樂林
泉懶於出山深虞此文湮沒他時後學無傳
遂傳之邑人祖審齋達吉黃澄心詹山立陳
清溪等代余之闡教也庸考傳記之載併撫

師訓之言著之篇首蓋西來之法皆簡而要符無散形呪無韻麗與江南之法不同見者其無忽焉宋咸淳辛未中和節日真常雲莊黃一炷拜述

主法

法主至尊妙道大赤天宮混元上德皇帝神霄寶錄太乙祖母元君祝存

乃月李星君化現紅髮獠牙身出紅火光輝體跣足手執如意

妙通丹華昭烈真君朱曠

羅睺星君化現為之副將

師派服色

祖師華山處士希夷陳真人持

頭戴上清冠青法服足穿朱履

祖師太極上相通玄劉真人浩然字仲方

頂道冠三鬚高頰著褐道衣元係成都府

青城山大面山丈人觀主有六天魔女化

一婦人入觀中燒香作尊觀中道衆盡皆

逃散而去真人下山忽有一老叟坐於松

下喚其來曰此六天魔女吾有法度汝歸

以化之於是筆受其言畢見一青牛在老叟前騎而去方知

太上視之不見矣後高宗詔治大內妖怪聞教於青城賜號通玄後一百五十歲

天書詔侍太清飛升而去

祖師中天樞相伏魔許真人字志高

頂七星冠肥白面長薄鬚鬚皂緣紫道衣

穿履閬州人氏自幼愛清淨入青城山出家十三四年而通玄真人將飛升曰汝急

來吾以法授汝汝道南行流傳六百弟子

先生自得法後遊江南寧廟廟詔入內伏

魔兩任名山後管轄天市玄壇建大醮醮

中天書下詔乃入大中但見火雲漲天不

見而去留兩履于灰爐中如新履今茅山

藏為至寶天書見賜為天樞相也

祖師披雲勅賜清隱揚真人字新常

戴道冠面白微笑三鬚著青衲頭已後披

髮跣足元係福建延平城內馬坑巷內其

父任教授于蜀江口見許伏魔在後回家

作純陽會許伏魔見其衰老與揚教授丹

藥服於妻慶生一男子在後許伏魔再到

延平帶披雲至西蜀建康茅山等處後傳

與披雲至浮枋間蘇堤橋兩上書請命于

朝錫以清隱却而不受暨後又傳與三茅

山玉晨觀薛管轄披雲回至延平傳與建

寧浦城黃止堂嗣雲莊真人西蜀宣哥真

人就馬坑尸解宣哥坐化山上

天府主法都雷總管太乙元君李清夫

女人相鐵冠青髻衣皂鞋黃裙左手雷函

右手仗劍變相則三日赤面朱髮掃天碧

水皂綠紅裙朱履左手仗劍右手握雷局

帥將服色

天府主將威光掌令總監大神丘青

素青赤色鬚骨巖大面三角眼三牙鬚頂

帽內掩心甲外皂團鳳花袍開襟看帶左

肩有黃結帶兩條皂履子日

副將震雷霹靂行令大神王成之

戴朝天冠美貌鳳眼三牙鬚如孫真人狀

柘紅袍碧玉帶皂靴丑日一本應備號

散雲飛霧掌令大神陳一言

頂牛耳唐帽白面大耳目腮邊有鬚紅袍帶上有小黃結纒纏定垂下又手統袖皂履庚日

運風變化青雷大神李德用

頂皂帽美貌似靈官狀紅袍掩心甲綠靴

手執鐵棒鐵磚卯日

誅魔殺鬼賊伐大神孔明輝

頂牛耳唐帽美貌腮下有鬚紫袍束帶皂靴捧玉曆辰日

火雷伐惡大神崔貴

頂牛耳唐帽面圓白老相垂角眼尖鼻婆子相青黃色掩心甲綠袍上紅團花裹肚

垂帶左手托火輪右手執鐵鞭皂靴巳日

水雷洞耀誅伐大神周明靜今請

頂無耳唐帽赤面天神相或叢呂仙中懸兩帶尖鼻兩腮起無鬚青袍肩上有黃飛帶執水火鏡足穿朱履午日

電光普照飛火大神紀茂卿

頂牛耳帽赤素色麤眉大眼上牙嵌下唇

連腮鬚紫袍綠帶又垂黃帶統袖足穿皂履未日

驅雷致雨黑雷大神劉道明

翻頂牛耳帽赤黑面三角眼露兩齒上唇無鬚連腮鬚淡紅袍上有團花錦袍肚帶

四條在上下中有一條左手插巳文右手仗劍皂靴申日

飛雷急捉主律大神林慶子文

牛耳帽面白眉遮過目老人相紫袍統袖執鐵鞭皂靴此將充秦玄都省直符酉日

玄省直符驅雷大神白神

短帽橫骨面紅白色金背有鬚白袍掩心甲鹿皮護膊腰裙掌鐵鏈或叉手白靴戌日

三天持奏使者謝祐

交脚幞頭赤面圓眼三牙鬚掩心甲紅花袍虎皮腿裙叉手佩家書黃袋足穿皂靴亥日

此元帥後身香火在南劍州宋朝封靈惠將軍

五方雷注雷雨晴風

東方雷公朱靖

鵝頭青絲髮垂耳黑體得青錦花袍緋袴青裙叉手懸鐵方杖

西方雷神劉漢祥

黃牛相黑袍掩心甲皂汗跨緋袴左手持砧右手執斧跣足又云人相黑髮白面交脚帽金甲飛帶白靴

南方雷神朱德茂

赤馬相紅袍虎皮掩心汗跨緋袴左手雷斧右手金鏈赤脚又云執馱出雷火穿皂靴

北方雷神張永公

白赤狗相白髮垂耳有鬚青袍緋袴叉手懸雙斧跣足此雷神主煞伐黑靈

中央雷公楊元昇

如神農相豹皮掩心鴉皮汗跨黃袍叉手當心披髮赤脚又云執鞭花裙皂靴

雷公大神孟勝

猪貌青黑色頂牛耳帽皂衣紫袍白袴捧

雷簿皂靴似判官狀

電母大神黃法影

顏如四五旬婦人面無皺紫包中耳環青

道服兩袖中出電光似馮夷相

風伯大神馬雀

紫黑色查獸鬼面眼大口開鼻闊兩孔戴

兩層冠青抹額內黃衣外紫袍風袋右手

五指開袋口青袍肚黃看帶白袴褐靴

雨師大神陳元慶

美貌慈顏端嚴戴冠披紫服方符珂珮前

結項上有擁帶左擎青碧壺右手持楊枝

類紫炁星狀

移雲掩日四丁大神

丁文廣 丁文義 丁文通 丁文瑩

鸞頭紫甲人身手足肉甲迸出金光仗劍

乘雲各騎黃龍立四方聽令

開壇聽令四大神將

高刀一本牛耳幘頭青袍金甲蓮子面三

角眼黑色捲鬚合口皂靴執雷函

陶制四方面鳳眼五牙鬚赤面兜鍪金甲

腰帶符手執劍

崔亮大眼素色面曲脚幘頭黃抹額金甲

飛帶皂靴執鐵斧

趙公明面黑色鬚胡穿皂靴金甲皂袍手

執鐵鞭

直日功曹符使十二人

劉康 章保 吳景 范龍 李保

史典 焦雲 鄭欽 陳通 呂宣

張顯 孟康

道法會元卷之一百八十八

道法會元卷之一百八十九

洛三

太乙火府奏告心文

見師請降行用心法

凡拜家書差將上壇一應大小行持先請

祖師白陳事意然後以左手拍玉文右手

劍訣又腰丁字立定念下今呪曰

杳杳冥冥天地同生散則成炁聚則成形聞

呼即至有召即臨以今焚香闕召直符謝祐

白仲二使者立赴壇前有事指揮疾

右呪畢存二使功曹相親拱立聽候委役

向來闕召符使已到壇前只今仰煩傳此心

香謹謹恭伸奏請

主法至尊混元上德皇帝太上老君道德天

尊太極上相通玄劉真人中天樞相伏魔許

真人披雲清隱上仙楊真人火府傳教諸位

師真願賜祥光降臨壇席

右祝訖三禮上香密念請師呪曰

心為驛龍香為騎吏上奏三天下攝獄續統

領吏兵掌授符籙所啓所願咸賜如言

呪畢存想師真俞允所請事理起身召將